



Na osnovu odredaba Zakona o visokom obrazovanju (“Službene novine Kantona Sarajevo”, br.: 36/22 i 28/25), odredaba Uputa Senata Univerziteta u Sarajevu o realizaciji izbora u isto ili više akademsko zvanje na Univerzitetu u Sarajevu u skladu sa uslovima propisanim ranijim Zakonom broj: 01-15-29/23 od 27.09.2023. godine, Prijedloga odluke Vijeća Fakulteta broj: 02-16-133-2/26 od 10.03.2026. godine, Odluke Senata Univerziteta u Sarajevu o davanju saglasnosti na raspisivanje konkursa za izbor akademskog osoblja broj: 01-7-104/26 od 25.03.2026. godine i Odluke dekana Fakulteta o raspisivanju javnog konkursa broj: 02-16-133-4/26 od 01.04.2026. godine, raspisuje se

K O N K U R S Z A I Z B O R A K A D E M S K O G O S O B L J A

Oblast Kliničke nauke veterinarske medicine - nastavnik u zvanju docent/ice - 1 izvršilac, puno radno vrijeme

Poštivajući član 176. st. (1) i (2) Zakona o visokom obrazovanju (“Službene novine Kantona Sarajevo”, br.: 36/22 i 28/25) kandidati za izbor u naučnonastavno zvanje *docent* treba da ispunjavaju uvjete iz člana 96. Zakona o visokom obrazovanju (“Službene novine Kantona Sarajevo“, br.: 33/17, 35/20, 40/20 i 39/21) kako slijedi:

MINIMALNI UVJETI ZA IZBOR:

DOCENT: naučni stepen doktora u datoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti;

Uslovi za izbor po članu 112. (2) tačka d) Zakona o visokom obrazovanju (“Službene novine Kantona Sarajevo“, br.: 36/22 i 28/25)

DOCENT: naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka;

Kandidati su obavezani u prijavi naznačiti da li se na Konkurs prijavljuju u skladu sa odredbama Zakona o visokom obrazovanju („Službene novine Kantona Sarajevo“ br.: 36/22 i 28/25) ili u skladu sa odredbama Zakona o visokom obrazovanju („Službene novine Kantona Sarajevo“ br.: 33/17, 35/20, 40/20 i 39/21), a shodno odredbi člana 176. Zakona o visokom obrazovanju iz 2017. godine.

Uz svojeručno potpisanu prijavu kandidati trebaju da prilože dokaze o ispunjavanju uslova za izbor kako slijedi:

1. biografiju (CV) i spisak objavljenih naučnih radova;
2. ovjerene kopije diploma i druge dokumentacije o stečenom obrazovanju ne starije od šest mjeseci;
3. listu naučnih radova objavljenih u priznatim publikacijama koje se nalaze u relevantnim naučnim bazama podataka kao i same naučne radove;
4. dokaz o pokazanim nastavničkim sposobnostima u skladu sa članom 96. Zakona o visokom obrazovanju iz 2017. godine, a shodno članu 176. st. (1) i (2) Zakona o visokom obrazovanju (“Službene novine Kantona Sarajevo”, broj: 36/22) - original ili ovjerena kopija;



5. podatke o nagradama i priznanjima ukoliko kandidat iste posjeduje;
6. ostalu dokumentaciju (reference) kojom kandidat dokazuje da ispunjava uslove za izbor u zvanje docent.

Kandidat koji se prijavljuje na konkurs za izbor u akademsko zvanje obavezan je u svojoj prijavi naznačiti akademsko zvanje i oblast za koje se prijavljuje. U suprotnom, takva prijava će se smatrati neurednom i neće biti razmatrana.

Sa izabranim kandidatom zaključit će se Ugovor o radu sa punim radnim vremenom na period na koji je izabran u skladu sa Odlukom Senata Univerziteta u Sarajevu.

Konkurs ostaje otvoren 15 dana od dana objavljivanja. Nepotpune i neblagovremene prijave neće se uzimati u razmatranje.

Prijave sa dokazima o ispunjavanju uvjeta predviđenih konkursom dostaviti neposredno ili putem pošte na adresu: Univerzitet u Sarajevu - Veterinarski fakultet, Zmaja od Bosne 90, 71000 Sarajevo sa naznakom: „Prijava na konkurs za izbor akademskog osoblja u naučnonastavno zvanje DOCENT za oblast Kliničke nauke veterinarske medicine“.

Kontakt osobe Amila Vejzagić, dipl. iur. i Dejan Arslanagić, mr. iur. - telefon 033/729-158.